

თელავის მუნიციპალიტეტის საკრებულოს

საფინანსო-საბიუჯეტო კომისიის სხდომის

ოქმი N 2

ქ. თელავი

18.02.2022 წელი

თავმჯდომარეობდა: ზურაბ ლილუაშვილი

ესწრებოდნენ კომისიის წევრები: უჩა ჭოტიაშვილი; გივი ლაფაური; თენგიზ მთვარელიშვილი; გიორგი ქართლელიშვილი; ნინო ომანიძე; იმედა კველიშვილი.

სხდომას აგრეთვე ესწრებოდნენ; დეპუტატი - ლევან ბერძენაშვილი; საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; თელავის მუნიციპალიტეტის მერიის ინფრასტრუქტურის, სივრცითი მოწყობის, მშენებლობის, არქიტექტურისა და ძეგლთა დაცვის სამსახურის უფროსის მოვალეობის შემსრულებელი - დავით ქსოვრელიშვილი; თელავის მუნიციპალიტეტის მერიის ეკონომიკური განვითარებისა და ქონების მართვის სამსახურის შესყიდვების განყოფილების უფროსი - ნათია ლაღაშვილი;

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

დღის წესრიგი:

1. თელავის მუნიციპალიტეტის 2021 წლის 29 დეკემბრის N03 დადგენილებაში „თელავის მუნიციპალიტეტის 2022 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.

მომხსენებელი - ზ. ლილუაშვილი
თანამომხსენებელი - ნ. ვაყელიშვილი

2. თელავის მუნიციპალიტეტში სახელმწიფო შესყიდვების 2021 წლის წლიური ანგარიშის განხილვის შესახებ;

მომხსენებელი - ზ. ლილუაშვილი
თანამომხსენებელი - ნ. ლაღაშვილი

3. თელავის მუნიციპალიტეტის საკრებულოს საფინანსო-საბიუჯეტო კომისიის დებულების მისაღებად ადმინისტრაციული წარმოების დაწყების შესახებ.

მომხსენებელი - ზ. ლილუაშვილი

მოისმინეს: 1. თელავის მუნიციპალიტეტის 2021 წლის 29 დეკემბრის N03 დადგენილებაში „თელავის მუნიციპალიტეტის 2022 წლის პროგრამული ბიუჯეტის დამტკიცების შესახებ“ ცვლილების შეტანის თაობაზე პროექტის განხილვის შესახებ.

აზრი გამოთქვას: ზ. ლილუაშვილმა ზოგადად ისაუბრა წარმოდგენილ ცვლილებასთან დაკავშირებით და განმარტებები მოსთხოვა თელავის მუნიციპალიტეტის მერიის საფინანსო-საბიუჯეტო სამსახურის უფროსს- ნ. ვაყელიშვილს.

მან აღნიშნა, რომ თელავის მუნიციპალიტეტის მერიის ინიცირებული პროექტი ეხება თელავის მუნიციპალიტეტის 2022 წლის ბიუჯეტში ცვლილების შეტანას, რომლის მოტივიც მდგომარეობს 2022 წლის 01 იანვრისთვის არსებული ნაშთის ნაწილის ასახვაში, რომლითაც მოხდება 2022 წელს განსახორციელებელი ღონისძიებების დაფინანსება. აგრეთვე საქართველოს მთავრობის 2022 წლის 14 იანვრის N51 განკარგულებით „ზოგიერთი მუნიციპალიტეტებისთვის უფლებამოსილებების ხელშეკრულების საფუძველზე დელეგირების შესახებ“ საჯარო სკოლების ინფრასტრუქტურის გაუმჯობესების მიზნით საქონლის, მომსახურებისა და სამუშაოების შესყიდვის დელეგირებული უფლებამოსილების განხორციელების მიზნით და საქართველოს მთავრობის 2022 წლის 15 თებერვლის N277 განკარგულებით, „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან სოფლის მხარდაჭერის პროგრამის ფარგლებში მუნიციპალიტეტებისათვის თანხის გამოყოფის შესახებ“ გამოყოფილი თანხების ასახვაში.

თელავის მუნიციპალიტეტის ბიუჯეტი განისაზღვროს 43452,20 ათასი ლარის ოდენობით.

მოხდეს ცვლილება ბიუჯეტის შემოსულობებში. გაიზარდოს გრანტების მუხლი, სოფლის მხარდაჭერის პროგრამა - 478,0 ათასი ლარით; სხვა ტრანსფერები - 56,42 ათ. ლარით. მოხდეს ცვლილება გადასახდელებში. ძირითადი ცვლილება ეხება ინფრასტრუქტურული პროექტების განხორციელებას, სასმელი წყლის სისტემის რეაბილიტაციას, სარწყავი არხების და ნაპირსამაგრი ნაგებობების მოწყობა, რეაბილიტაციას და ექსპლუატაციას.

კომისიის წევრების მიერ დასმულ კითხვებს, რომელიც ძირითადად ეხებოდა ინფრასტრუქტურის მიმართულებით განსახორციელებელ სამუშაოებს, დ. ქსოვრელიშვილმა ამომწურავად უპასუხა. კომისიის წევრებმა ი. კველიშვილმა, ნ. ომანიძემ - განმარტება მოითხოვა, თუ რატომ არის აუცილებელი არაფინანსური აქტივების ზრდის მუხლის 214,0 ათასი ლარით გაზრდა, მაღალი გამავლობის მსუბუქი ავტომანქანების (4 ერთეული) შეძენის მიზნით. რაზეც უპასუხეს, რომ არსებულმა ავტომობილები ამორტიზირებულია ვერ გაიარეს ტექ დათვალიერება, . მათ შეკეთებას საკმაო თანხები ჭირდება, რომელიც არ იქნება ეფექტური.

კომისიის წევრების უმრავლესობამ მხარი დაუჭირა წარმოდგენილ ცვლილებას. კენჭისყრაში მონაწილეობა არ მიიღეს ნინო ომანიძემ და იმედა კველიშვილმა.

გადაწყვეტეს: ბიუჯეტის ცვლილების პროექტი წარედგინოს საკრებულოს ბიუროს საკრებულოს მორიგი სხდომის დღის წესრიგში შეტანის მიზნით.

მოსმინეს: 2. თელავის მუნიციპალიტეტის სახელმწიფო შესყიდვების 2021 წლის წლიური ანგარიშის შესახებ.

აზრი გამოთქვეს: ზ. ლილუაშვილმა ზოგადად ისაუბრა საკითხთან დაკავშირებით და განმარტებები მოსთხოვა თელავის მუნიციპალიტეტის მერიის ეკონომიკური განვითარებისა და ქონების მართვის სამსახურის შესყიდვების განყოფილების უფროსს - ნ. ლაღაშვილს.

ზ. ლილუაშვილი - ყოფილა თუ არა შემთხვევა, რომ ტენდერი საერთოდ არ ჩატარებულა. რაზეც ლაღაშვილმა უპასუხა, რომ შემთხვევა არ ყოფილა. ფასების ცვლილების გამო ყოფილა სატენდერო პირობების შეცვლა.

გადაწყვეტეს: კომისიის წევრებს მიზანშეწონილად მიაჩნიათ წარმოდგენილი ანგარიში, ცნობად იქნას მიღებული და წარედგინოს საკრებულოს ბიუროს სხდომას.

მოსმინეს: 3. თელავის მუნიციპალიტეტის საკრებულოს საფინანსო-საბიუჯეტო კომისიის დებულების მისაღებად ადმინისტრაციული წარმოების დაწყების შესახებ.

აზრი გამოთქვეს: კომისიის თავმჯდომარემ აღნიშნა, რომ წარმოდგენილია საფინანსო-საბიუჯეტო კომისიის დებულების პროექტი. რომელზეც მოხდება ადმინისტრაციული წარმოების დაწყება.

კომისიის წევრებმა მხარი დაუჭირეს წარმოდგენილ პროექტს.

გადაწყვეტეს: საფინანსო-საბიუჯეტო კომისიის დებულების პროექტი, ადმინისტრაციული წარმოების დაწყების მიზნით წარედგინოს საკრებულოს ბიუროს, საკრებულოს მორიგი სხდომის დღის წესრიგში შეტანის მიზნით.

საფინანსო-საბიუჯეტო
კომისიის თავმჯდომარე



ზ. ლილუაშვილი